

Ab anno D. 1700.

LITVRA

feu

CASTIGATIO CANCELLARIÆ HISPANICÆ

à

LVDOVICO CAMERARIO
Excancellario Bohemico, Exconsiliario
Heidelbergensi &c. instructæ.

AVCTORE

FABIO HERCYNIANO

L. G.

*Calvinistarum non possunt mille litura
Emendare libros, una litura potest.*



BRVGGHOVII

TYPIS VICTORIS Hausbreich

M. DC. XXIII.

*Derpargu...
D. Marguerite*

*Hic Ludovicus Camerarius non est auctor huius libri; sed prius contra ipsos
scriptus est huius libri. Individuum autem in hac epistola, ut lectum eius corrigam.
non meretur sub
elegantia figura
videat.*



LVDOVICVS CAMERARIVS

*Franciscus Colonus
Lectus huius Camerarius.*

LECTORI



ALVT E M dico, quam ipse non ha-
beo; adeò in hac acerba fortuna hu-
manitatis memor, vt mecum perire
neminem velim: sine me omnes, qui
sine me esse volunt, quales Papistæ
sunt, procul dubio iustam virtutem nondum ade-
pti, quòd mihi similes, factiosos homines, tolerare
nesciant, materiam virtutis. Ego, mi Lector, quòd
iam nôsti, Consiliarius Palatini Principis fui, elo-
quentiâ & ingenij gloriâ inter meos ferox; operâ
primam dedi, vt Princeps meus maior fieret, ne mi-
nor ego manerem, humilium enim est loco intra
fortunam suam stare; maior indoles altiora spectat:
& audendum omnino illi est, qui nobilitari cupit.
Ad incrementum autem honoris nostri, opportu-
num videbatur, quia Domi crescere non licebat,
foris ceruicem attollere, atque per speciosos gradus

I
INGRESSVS IN
CANCELLARIAM HISPA-
NICAM



ETVS Germanis dictum est, à Verbis ad Verbera deueniri; plerumq; enim in rixis contingit, vti accensa per iracundiam lingua rixantium manus prouocet. Calvinistæ, vt omnia solent, & dictum, & factum inuertunt; post Verbera ad verba descendunt. Multis abhinc annis armaria Germaniæ impleuere, comparatis omnis generis belli Instrumentis, vti datâ aut quæsità occasione Catholicos fide antiquâ, ac innocentia fiduciâ securos inuaderent, pessimèque mulctarent, Religionis odio, licet non displicerent etiam regiones, quas suæ ditionis adlaborabant facere.

In Bohemia fato urgente vesania initium datum, leui ab initio, & affectato. Libido inuasit Calviniano spiritu ebrios in alieno profanum fanum ædificandi. Cum obsisteret fundi Dominus, & temeritas non inueniret patrociniū Pragæ apud Iustitiæ Præsides, patratum est facinus quale in paucis vidit omnis retro ætas. Proceres regni & regi proximi per furorem arrepti, atq;